

邑人張森楷學

士族下

稅氏 姓攷云古有稅國華陽國志蜀王以稅氏遺廩君是其證盛弘之荊州記云建平信陵縣有稅氏望出河閒宋有稅挺登進士第森楷案巴縣有稅安禮見四川通志吾合有稅與權見鄉賢傳則稅固吾蜀士族也在巴合閒尤盛今式微矣

右稅氏

蹇氏 姓攷蹇氏出自太昊臣蹇脩春秋有蹇叔其裔孫也後世以名為氏郡望山陽在吾合者雖非著姓而猶有人焉

昂 宋紹聖元年甲辰科 宋紹聖元年甲辰科 昂 宋紹聖元年甲辰科 昂 宋紹聖元年甲辰科

右蹇氏一家進士一人 森楷案龍遊寺石屏坊上有曇景長春四都御史蹇達題不知是否州人何年科第附記于此

許氏 姓氏畧以許為太岳後所封國國滅因以為氏然古有善相馬者許鄙在許未滅之時而高士許由更在許未封前則許氏蓋亦有二

合川縣志卷之十 士族下

源與今不可詳攷而譜其在合者

昌元 宋紹聖元年甲辰科 昌元 宋紹聖元年甲辰科 昌元 宋紹聖元年甲辰科 昌元 宋紹聖元年甲辰科

右許氏一家進士一人貢生一人

田氏 戰國齊王之後本出自舜裔胡公封陳陳厲公子完奔齊為陳氏陳音近田故亦偁田氏森楷案說文田隰也隰即陳字之或體音義並近改陳之為田非有異也然自陳田既分而族乃各殊矣郡望雁門非所謂也吾合之田則唐有田大神見本志方術傳今最其士族譜之

育 宋慶曆中進士 育 宋慶曆中進士 育 宋慶曆中進士 育 宋慶曆中進士

瑛 明弘治元年己酉科舉人九年丙辰科 瑛 明弘治元年己酉科舉人九年丙辰科 瑛 明弘治元年己酉科舉人九年丙辰科 瑛 明弘治元年己酉科舉人九年丙辰科

右田氏一家進士二人舉人一人職官一人

史氏 氏族畧以史氏出自周太史佚其後以官為氏然呂覽傳古者史皇作圖則在史佚前矣唐又改阿史那氏為史是史氏固不出一源邪吾合史氏未為大族而嘗預於士大夫之列則亦未可略之今譜之



如左

權宋崇寧五年  
丙戌科進士

右史氏一家進士一人

衛氏 本衛康叔之後以國為氏而呂覽言古有善相者衛忌乃在衛未滅之前是衛有二源矣姓觸引郡國志言古衛國姚姓舜後滅於商其說無徵恐難据信今不取而彙錄吾合之衛備士族焉

成穎 宋政和間進士科年無攷

充國 宋宣和間進士科年無攷

崇 宋紹興中進士科年無攷

庚 宋隆興元年癸未科衛木新同榜進士

峻 宋乾道中進士科年無攷

季柎 宋嘉定中進士科年無攷

瓚 明萬曆文生見東山慈恩寺文筆塔記後增巖宮生員通譜

右衛氏一家進士六人文生一人

景氏 姓氏畧以景為楚公族景差之後然齊有景丑亦傳景子則景

合川縣志卷之六 士族下

二

有二源矣吾合之景在赤水縣修學碑記傳以財力匡贊者有景贊景昉獻可獻能系楚系齊不可知固亦一士族也今譜錄之

卓 宋建炎時進士科年無攷森楷案四川通志卓作車列于宣和進士府志同唯仍作卓

右景氏一家進士一人

安氏 氏族畧以安息王子入侍於漢自請以國為氏是胡族也然古有仙人安期生顯於周秦之間則在漢以前矣姓苑以廷堅初封於安其後為安氏未知信否吾合之安其先不可知而自宋至明尚傳士族今東里猶有安家溪云

剛中 宋紹興中進士科年無攷 仁 明太學生官至臺州府知事

右安氏一家進士一人職官一人

龍氏 氏族畧以龍氏為舜臣納言龍之後以字為氏而路史則謂楚大夫食邑於龍因氏姓源以為龍伯之裔或云出豢龍氏皆似不可為据望出天水武陵蓋就其多且盛者言之吾合龍氏固亦有可傳焉

甲 宋淳熙 淇 清乾隆三十 在田 字海珊咸 耀祖 字念廷  
科年無攷舉官至 口口口口 生能詩文有遺詩文

千總

稿



右龍氏一家進士一人武舉一人歲貢一人文生一人

令狐氏 氏族畧晉大夫魏顥封於令狐其後子孫以邑為氏自漢至隋代有聞人而唐為極盛居吾合者殆其支餘然能名登甲榜固不得謂非士族也今具譜之

恪 宋紹興中進士科年無效

右令狐氏一家進士一人

賈氏 氏族畧以賈為唐叔虞少子公明所封國其後以國為氏後晉又有賈季食邑於賈後以邑為氏望出武威亦就族大寵多而言之吾合自宋賈宅心復之於乾道三年同東萊蔡興文遊龍多山刻石五年又以財力協贊赤水縣修學趙楸碑記有聞於時外後則僅有存焉今具譜之

辰 宋淳熙中進士科年無效 一元 明萬曆中文生見東山慈恩寺文筆塔記後增翼宮生員通譜

右賈氏一家進士一人文生一人

柳氏 氏族畧以柳為魯孝公子展食邑柳下其後以邑為氏姓攷乃以為陳懷公柳之後非所謂也自漢至梁盛推河東唐為猶盛相傳唐柳玘為渝州刺史沒葬於合吾合之柳殆其苗裔也今猶頗有存者然不可攷矣尚得而譜錄之

合川縣志卷之十 士族下

三

右柳氏

勾龍氏 氏族畧云共工裔孫勾龍之後以名為氏歷代不顯至宋而蜀勾龍氏始傳於時吾合亦其一也今據赤水縣修學碑記傳以財力協贊者有勾龍司直洵直炳康年四人而不定其為何等人今亦不錄第譜其為士耳

士奇 宋淳熙元年舉人見鈞魚山石刻

士榮 宋淳熙中舉人科分失攷

卯 宋淳熙中進士科年無效

右勾龍氏一家進士一人舉人二人

喻氏 路史鄭公族之後本作諭後省作喻當有自出姓源謂漢呂它封俞侯其後乃轉為喻恐不可據吾合之喻現居西里者頗夥而東里則有喻家壩喻家灣其先代之盛益可想見焉茲譜其見於舊志者

新 宋嘉定中進士科年無效



右喻氏一家進士一人

鮮于氏 氏族畧云商箕子支庶名仲者食采於于邑其子孫以邑為氏兼取朝鮮為義因合稱鮮于氏森楷案鄭說頗涉牽強然它姓書亦無異說姑存之而望偁太原則北族也吾蜀乃多去于偁鮮而讀如線者吾合亦然然其族今微矣

宋淳熙元年舉人見釣魚山飲餞石刻黃通志焯作焯卓列於淳熙進士是焯又登進士第矣

右鮮于氏一家進士一人

汝氏 氏族畧云商有賢臣汝鳩汝方其後以名字為氏其說固非無据然春秋時晉有汝寬汝叔齊則非必商賢裔也汝姓其殆有二源與漢有孝子汝郁高士汝敦並見後漢書吾合在宋則有士族吾合今節孝總坊有節婦王汝氏不斥其夫名亦不詳其里居遂不可得而攷矣

誠之 宋淳熙元年四川類試舉人入奉廷對鄉人趙希普為飲餞于釣魚山題名石刻猶存詳金石掌錄

右汝氏一家舉人一人

越氏 氏族畧以越為夏裔所封國其後因為氏而北朝越質誥氏亦並改為越氏則非一系且非一種矣今姑弗深攷第譜其在合者

合川縣志卷之十一 士族下

四

堅 明正統十三年戊辰科彭時榜進士口口甲子科舉人森楷案府志漏載甲子科省志作堅忠州人今從舊州志

孝 明成化十九年癸卯科舉人 尚德 明弘治十七年甲子科舉人

右越氏一家進士一人舉人二人

涂氏 氏族譜箋釋本出塗山氏後省作涂晉新吳侯涂欽渡江南至豫章是為東南涂氏之祖森楷案涂塗同字論語遇諸塗釋文塗本作涂說文木部朽所以涂也今皆通用塗而說文有涂無塗新坵字始有塗是涂乃本字塗為累增非塗省作涂也涂欽姓名不見晉書紀傳及志新吳之封不知何自得之箋釋所說殆不可据然它姓書無能言涂氏所出者蕭智漢氏姓譜謂洪洲人因水為氏尤不可信箋釋說較雅馴今姑從之而辨正如此若吾合之涂則西里尚有存者為譜其士族餘從畧焉

性 明正統十二年丁卯科舉人十三年戊辰科彭時榜進士森楷案省府志並作塗性中永樂九年辛卯科舉人今從舊州志事詳闕訪傳



右塗氏一家進士一人

塗氏 塗卽塗之累增字本塗山氏之後以國爲氏後又省山傳塗說苑有諫議大夫塗暉餘詳塗下

白政 明太學生任汶上縣縣丞

右塗氏一家職官一人

盧氏 氏族畧以齊文公裔孫高侯食采於盧其後以邑爲氏至漢而顯後分入北朝范陽之盧乃與崔氏並傳爲第一名族猶南朝之王謝也及代北莫盧氏改爲盧范陽雷氏三原閭氏亦改爲盧隋煬帝又賜章仇太翼姓盧氏而盧氏乃混淆不可辨矣况今又千餘年其能數典不忘皆如其朔乎吾合之盧姑弗深論但譜其土族如左

鎔 明景泰四年癸酉科舉人官江西太和縣訓導

鼎 明景泰七年丙子科舉人官雲南趙州知州

慶 明景泰中貢生官西華縣知縣

儀 明弘治二年己酉科舉人六年癸丑科毛澄榜進士官陝西道監察御史

大器 明萬曆三十四年丙子科舉人

合川縣志卷之十 土族下

嗣麟 清康熙中貢生

右盧氏一家進士一人舉人三人貢生二人

陶氏 氏族畧言陶唐氏之後以號爲氏陶正虞思之後以官爲氏商七族陶氏之後以族爲氏司徒陶叔之後以名爲氏是陶本有四源今不可究知第譜其在吾合之恆爲士者

贊 明景泰元年庚午科舉人本林楷案省志贊並作瓚 育中 清乾隆中貢生

以審 明永樂十二年甲午科舉人本林楷案府志作十五年丁酉科 斯善 道光中貢生

玉 明監生 鳳占 同治中貢生

啟賢

大器

文翰

虞

舉 明萬曆末並文生見東山慈恩寺文筆塔記後增贊宮生員通譜

右陶氏一家舉人二人貢生三人文生五人監生一人

薛氏 本黃帝裔孫奚仲所封國其後因以爲氏改任姓也及代北叱



干氏改姓薛氏有二源矣薛氏血錄譜乃言文王並文夫人姜氏見赤龍而孕子十二月生子手把薛字因氏為薛云云則近於小說家言矣通志畧駁之今亦不取而但以在合之薛為士族者入此譜焉

魁 明天順四年癸酉科舉人

右薛氏一家舉人一人

牟氏 氏族畧云牟本祝融裔所封國其後因以為氏望出鉅鹿在漢頗顯後則微矣而在吾合者猶有可譜焉

淵 明成化七年辛卯科舉人

登 明成化時貢生官禮縣訓導

右牟氏一家舉人一人貢生一人

敖氏 氏族畧云黃帝師太敖之後以名為氏姓譜則云黃帝裔孫封於敖謂之大敖後因氏二說不同難得而詳定也望出譙國蓋以其世居且盛者言之散在吾合亦有可譜者

公輔 明成化十年甲午科舉人

右敖氏一家舉人一人

合川縣志卷之十 士族下

六

范氏 氏族畧云帝堯之後隰叔仕晉食采於范其後因以邑為氏在春秋已大顯後亦代有聞人望出順陽錢塘汝南代郡河內燉煌六郡而居吾合者乃寥寥焉然猶預於士族是可譜也

良 明成化十三年丁酉科舉人官湖廣永州府通判

永達 清乾隆中貢生 其華 乾隆中貢生在鄆縣教諭

右范氏一家舉人一人貢生二人

雷氏 氏族畧云古方雷氏之後以國為氏望偁馮翊益西北之美也吾合顧有以士族偁者今具譜之

應聰 明宣德中貢生

澤 字在陽光緒六年文生

洪 明成化十二年丙午科舉人

澤沛 字翼儒東里三匯人本州中學校畢業歷任本里勸學團總

啟 明弘治十七年甲子科舉人 豫 明監生官岳州府

亨 明監生

行 明萬曆末文生

右雷氏一家舉人二人貢生一人文生二人監生一人職官一人



余氏 風俗通云秦大夫由余之後以名為氏望傳下邳固聚族東南矣而在吾合者亦未嘗不恆為士為譜其族如左

必華 明永樂中貢生

學淵 光緒末文生

升 明嘉靖十九年庚子科舉人

成歲 明萬曆中拔貢不仕有傳

田 明萬曆四十三年乙卯科舉人

魁 明監生官延口縣丞

夢暘

啟鵬

起蛟

裕

甸 明萬曆末並文生見東山慈恩寺文筆塔記後附賢宮生員通譜

右余氏一家舉人二人拔貢一人貢生一人職官一人文生六人  
馬氏 氏族畧云戰國趙奢封馬服君其後子孫以邑為氏後又去服單傳為馬望傳扶風則北族也而吾合有列於士者譜之如左

合川縣志卷之十 士族下

七

斯才 明隆慶元年丁卯科舉人

新成 明成化中貢生官龍虎衛經歷

右馬氏一家舉人一人貢生一人

符氏 氏族畧云魯頃公孫雅仕秦為符節令其後以官為氏望傳琅邪猶狐死正邱首意也自漢至宋代有顯者吾合雖小符氏猶列於士族焉特為譜之

璽 明隆慶元年丁卯科舉人

世傳 明萬曆二十八年庚子科舉人

珩

應斗

應寅 明萬曆末並文生見東山慈恩寺文筆塔記後附賢宮生員通譜

右符氏一家舉人二人文生三人

宋氏 氏族畧云殷微子在周封宋公其後以國為氏望傳京兆則北族也吾合自明至清猶有聞焉今彙錄入譜

儒 明監生任清河縣主簿

珍 清乾隆三十年乙酉科舉人



賢明監生任雲南布政司檢校

右宋氏一家舉人一人職官二人

傅氏 氏族畧云以商相說築於傅巖其後以地為氏而唐書宰相世系表乃謂黃帝裔孫大由封於傅邑因氏姓攷又謂夏封堯裔狸大繇於傅因氏姓譜又謂古有傅國舜之裔也並皆野言不經不足為據當以鄭說為正望偁北地從其多也吾合之傅雖非大族而列於士者尙不乏人譜之如左

帝臣 清雍正中貢生

以禮 乾隆中貢生

思任 乾隆四十二年丁酉科舉人有傳

鴻模 興里利澤場人由本州中政學校三年

右傅氏一家舉人一人貢生二人畢業生一人

姜氏 氏族畧云炎帝之後以姓為氏唐上元中桓庭昌奉制改為姜氏於是姜氏始有非族而族者矣望偁天水其系在北散居吾合猶然士族以此見姜氏之澤長云譜錄如左

全明監生

大猷 道光元年辛巳科舉人有傳

合川縣志卷之十

士族下

八

右姜氏一家舉人一人監生一人

萬氏 氏族畧云畢萬之後以名為氏一云芮伯萬之後亦以名為氏姓譜乃云楚大夫食采於萬因氏路史又云莒子之後其說無稽殆不足信代北吐萬氏亦改萬氏則襍胡姓矣今不深辨但就吾合之為士者譜之

志得 明洪武中貢生

時森 清乾隆中廩生有傳

右萬氏一家貢生一人廩生一人

呂氏 氏族畧云姜姓分系呂侯其後以國為氏或言伯夷佐禹有功封於呂今蔡州新蔡是也晉有呂飴甥其先原出魏姓則與姜姓之呂異矣代北比邱氏亦改呂氏乃虜姓也望偁東萊猶祖齊耳吾合之呂在宋有呂琢呂瑛呂渭呂墳曾以財力協贊赤水縣修學見趙楸記呂元穎元脩元膺皆知名於州今則僅有列士族者亦為譜焉

文淵 宋淳熙元年甲午科舉人

明心 文生

熊明 永樂中貢生

世醇 文生

宗望 文生



周輔 文生

右呂氏一家舉人一人貢生一人文生四人

姚氏 氏族畧云姚出舜後以堯所賜姓為氏鄭大夫姚武子名句耳是其裔也路史乃以春秋有姚國為子姓後而春秋無國名姚者恐不可據其郡望出吳興亦南方之舊族矣散在吾合猶有可入士族譜者亦盛矣哉

鳳 明監生仕至某官

廷揚 定遠籍康熙四十七年戊子科舉人

天祥 康熙中歲貢官廣安州訓導

右姚氏一家舉人一人貢生一人職官一人

游氏 氏族畧云鄭穆公子偃之後以字為氏望稱馮翊蓋族盛於北與吾合乃亦有列於士族者亦譜所不遺也

仲鴻 宋淳熙元年甲午科舉人森楷鳳和 清康熙中貢案同時有游伯畏游公至遊龍鳳和生官南江縣多山刻石紀事但不言其官今坊于訓導

王庭 明萬曆中文生見東山慈恩寺文筆塔記後增賢宮生員通譜

秉禮 明萬曆末以教授預建慈恩寺文筆塔題名

合川縣志卷之十 士族下

九

右游氏一家舉人一人貢生一人文生一人

冷氏 古讀冷為平聲通作伶風俗通云黃帝典樂伶倫之後伶亦作冷以名為氏三代而後伶為樂官名位不甚尊姓伶者嫌於為伶人乃改伶作冷猶讀如伶不知何時又作从欠之令讀為上聲乃不得其命氏之由矣今訂正之然如習非勝是積重難返何也吾合之冷宋有冷茂宗於乾道己丑同宇文休裘紹濟閻文叔呂達夫五人遊龍多山題名今存然不云里人未知果為州人否今就明以來者譜錄焉

鳳南 明監生

陽和 銅梁籍康熙五十六年丁酉科舉人 泰 乾隆中歲貢生

右冷氏一家舉人一人歲貢一人監生一人

謝氏 氏族畧云炎帝之後封于謝詩所傳于邑于謝是也謝滅其後以國為氏在漢已顯至晉而盛訖于南朝猶與王氏並稱江左第一名族而望稱陳國陽夏益不忘其本與吾合最爾猶有謝氏士族為譜錄焉

依 明弘治十四年辛酉科舉人官至肇宇 清乾隆中歲德化縣知縣例授文林郎見重修肇宇貢生



華嚴寺碑府志作謝儉當据碑正

芳揚 文生

誠 明監生仕肅王府典賓

右謝氏一家舉人一人貢生一人文生一人職官一人

喬氏 氏族畧云本作橋黃帝橋山守冢子孫其後以地為氏望傳梁國漢橋元六世孫勤以平原內史從孝武入關傳至孫達周文帝命去木稱喬取高遠之義於是喬行而橋廢矣然晉有喬智明仕為殄寇將軍轉仕劉曜史稱其為鮮卑前部人則非漢族也此氏姓譜謂喬為匈奴貴姓世為輔相之說之所由昉與望傳太原亦以別於梁國之族耳吾合乃猶有可譜者今錄如左

遷 康熙三十五年丙子科武舉

右喬氏一家武舉一人

冬氏 諸姓書無其說森稽案此當是冬官氏之後以官為氏後又去官稱冬蜀漢建興元年有冬逢冬渠等並出夷裔則夷族也後散居中土吾合亦有其族焉

景巨 宋淳熙元年甲午科舉人

合川縣志卷之十 士族下

十

右冬氏一家舉人一人

侯氏 氏族畧云晉侯縉之後以爵為氏而後漢上谷長侯相碑云出倉頡侯岡氏則以名為氏或乃云夏后氏之後封於侯非也春秋有侯宣多侯羽侯叔夏侯犯則古姓明矣西魏虜姓侯作氏單稱侯氏又改賀屯氏亦為侯氏而代北古引氏改姓侯氏乃遂襍有虜姓望出上谷盛於北也吾合顧亦有其族焉

午中 宋淳熙元年甲午科舉人

右侯氏一家舉人一人

童氏 氏族畧云顯帝子老童之後以名為氏路史云禹臣童律之後亦以名為氏姓攷乃謂是童國裔它無所見恐不足信望傳勃海族在雁門皆舉其盛者言之若吾合之童則僅有存焉矣譜錄如左

子先 明洪武中貢生仕至倉大使

右童氏一家貢生一人

孫氏 氏族畧云衛武公庶子惠孫之後以字為氏是出姬姓也而楚有孫叔敖則芋姓矣漢安平相孫根碑言出有殷之後則子姓矣吾合



之孫殆難辨其所出而有恆為士者則譜之焉

祐 明永樂中貢生

德昌 清雍正中貢生

成 明永樂中貢生

翰 雍正中貢生

謙 明天順中貢生官長寧縣知縣

筠光 道光中貢生

振基 明萬曆中文生見東山慈恩寺文筆塔記後附饗宮生員通譜

右孫氏一家貢生六人文生一人

舒氏 氏族畧云皋陶之後偃姓所封國其後因以為氏望出鉅鹿蓋盛於北者也而吾合亦有之

泰 明正統中貢生官長洲縣丞

价 字永圖文生

右舒氏一家貢生一人文生一人

岳氏 姓纂云太岳之後以官為氏望偃鄴郡宋後改偃湯陰皆北族也亦有在吾合者今譜如左

時用 明景泰中貢生官湖廣長陽縣知縣

右岳氏一家貢生一人

段氏 氏族畧云鄭共叔段之後以名為氏風俗通則以為段干木之後森楷案以為干木亦必有本豈即共叔裔與又鄭公孫段字伯石其

合川縣志卷之十 士族下

十一

後亦偃段氏鮮卑大酋又有段氏是段氏不一源矣望偃武威亦偃京兆亦盛於北者也今譜其在合之列於士族者

舉 明成化中貢生官陝西布政司檢校

右段氏一家貢生一人

顧氏 氏族畧云顧氏本夏商諸侯伯之國其後因以為氏望偃武陵其南方之舊與今譜其在合者

益 明成化中貢生

右顧氏一家貢生一人

夏氏 氏族畧云系出夏后以國為氏是出妣姓陳有夏氏以字為氏則媯姓也望偃會稽則桃媯而祖妣矣吾合之夏固不多人而列於士族者其為姓較眾今具譜之

時 明成化中貢生仕至江西石城王府教諭

瓊 清康熙中恩貢生官筠連縣教諭

國鼎

日暉 康熙中歲貢生

國昌 明萬曆中並文生見東山慈恩寺文筆塔記題名

銓 派名正銓光緒中文生



右夏氏一家貢生三人文生三人

殷氏 氏族畧云殷湯之後以國為氏望偁陳郡仍中州之舊也茲譜其在合者

序 清順治中貢生

右殷氏一家貢生一人

葉氏 氏族畧云楚葉公之後以名為氏望偁下邳南陽族也其散在吾合者猶可譜焉

印昌 清康熙二十三年甲子科武舉

右葉氏一家武舉一人

辛氏 氏族畧云有莘氏之後以國為氏後去艸作辛然史記夏本紀明言禹後有辛氏則通志非雅言矣路史以出高辛氏之後周有辛甲其裔也後周賜項亶姓辛氏則辛有三源望偁雁門其盛於北與吾合亦有為士者

自脩 明萬曆末文生見東山慈恩寺文筆塔記後附賢宮生員通譜

右辛氏一家文生一人

合川縣志卷之十 士族下

三

汪氏 氏族畧云汪芒氏之後以名為氏路史國名紀云古有汪侯國以國為氏姓攷云嬴秦支庶之後姓苑以為出漆姓一云出姬姓則汪氏有三源矣望偁平陽新安葢兼南北有之吾合乃僅存焉

九洲

繼植 並明文生見東山慈恩寺文筆塔記後附賢宮生員通譜

右汪氏一家文生二人

甘氏 氏族畧云周甘昭公之後以邑為氏然夏書有甘誓可見甘為國久不始昭公也商有甘盤葢古姓矣望偁勃海丹陽則南北兼有之茲譜其在吾合而列於士族者

之霖 明萬曆末文生見東山慈恩寺文筆塔記後附賢宮生員通譜 露 同治中歲貢生

右甘氏一家歲貢一人文生一人

官氏 姓攷周大夫劉定公為官師因氏望偁東陽則南人也而吾合有其族與於士列為譜錄焉

世箴 咸豐中歲貢生

右官氏一家歲貢一人



藍氏 元和姓纂楚大夫藍尹亶之後以邑爲氏後又省尹徒僂曰藍  
中山藍諸其顯見也戰國策注以爲其先食采藍田因氏姓攷則謂秦  
封子向爲藍君因以爲氏蓋藍氏有三源矣望僂中山東莞汝南三郡  
茲第譜其在吾合者

元音 咸豐中歲貢生 秀鍾 光緒六年文生

右藍氏一家貢生一人文生一人

詹氏 姓源以黃帝之後封詹其後以國爲氏姓苑以周宣王支子封  
詹侯因氏春秋周有詹父其裔也氏族畧獨取楚詹尹之後以邑爲氏  
一說不知何見望僂勃海則北族矣而吾合有其土族焉特爲譜之

步雲 咸豐中歲貢生

右詹氏一家貢生一人

鄢氏 姓源以鄢爲陸終第四子求言封鄢侯後因以國爲氏春秋楚  
鄢將師衛鄢武子其裔也而元和姓纂通志氏族各姓譜皆無之則其  
族微矣而望僂太原殆亦北方之族與吾合乃猶有可譜者則亦土族  
之一也

合川縣志卷之十 土族下 三

時亮 道光中歲貢以書法名 國霖 文生

右鄢氏一家貢生一人文生一人

賀氏 氏族畧云本齊公子無虧子慶克之後以字爲氏至後漢侍中  
慶質辟安帝父諱改姓賀氏後代北賀蘭賀賴賀拔並改賀氏則襟以  
虜姓矣吾合之賀不可究知殆就其列士族者譜焉

登瀛 明萬曆末文生見東山慈恩寺 學問 道光中歲貢

右賀氏一家貢生一人文生一人

饒氏 潛夫論以饒爲鬼駝氏之後姓源謂出舜後路史則云齊大夫  
食邑於饒後因以邑爲氏是饒有三源矣望僂平陽潁川則亦兼南北  
有之而吾合顧猶有可譜焉亦土族之一分子也

毓芝 嘉慶中貢生

右饒氏一家貢生一人

尹氏 氏族畧云少昊之子封於尹城其後以邑爲氏堯師尹壽周臣  
尹吉甫皆其所自出也望僂天水當亦北方之族而吾合乃有以士僂  
者今表出之



時鐘清乾隆中貢生

榮璽以監生耀祖以監生官貴

東郊文生

欽縣黃山分廳見唐氏譜唐朝耀璋道光中歲貢

右尹氏一家貢生二人文生一人職官二人

明氏 氏族畧云秦百里孟明之後以字為氏後魏改夷斗眷氏姓明氏是明有二源矣望偁吳興或是漢姓所出夷姓當望河南乃不著之何與居吾合者又其微矣今譜錄之

晉明監生

右明氏一家監生一人

森楷案譜例不載捐納貢監凡在清乾隆後者皆刪之以前尚不大濫或真讀書國學則其流品在廩增附生之上與貢生等故于希姓特載一二非自亂其例也因說明之於此

褚氏 氏族畧云宋共公子子石為褚師後因以官為氏褚師子服其裔也衛亦有褚師圃則褚有二源矣後遂去師偁褚望偁河南睢陽猶宋衛也而以河南為盛吾合之褚蓋其細焉然猶有可列於士族者

中明監生

右褚氏一家監生一人

合川縣志卷之十

士族下

西

蒲氏 氏族畧云本妣姓有扈氏之後為啟所滅散居西羌世為酋長後因其家池水所生菖蒲皆長五丈五節形如竹時人偁之蒲家遂以其事為氏後改為苻讀仍如蒲蓋本之晉書苻洪載記元和姓纂從之其說是也但姓纂引風俗通漢詹事蒲昌又有蒲遵皆在苻洪之前則蒲氏固不皆出羌種矣森楷又攷漢書項籍傳有蒲將軍當秦漢之際為楚將兵又在風俗通前是蒲為古姓之確證也据其望偁河東而河東為蒲坂故地疑是居蒲坂者以地為氏與鄭氏所說各有一源鄭知其一不知又有其一也今訂補之而吾合之蒲則唐有蒲正觀在本志方術傳未可以入士族今但譜其士族於左

毓珩

乾隆中歲貢生

致榮

文生東里麻柳坪人

右蒲氏一家貢生一人文生一人

母氏 姓纂母邱氏之後唐開元十八學士有母照森楷案母邱即春秋之貫邱貫省為母讀如關字見說文非母也姓纂說誤或當是胡母或纂母之省今吾合有母家溝在來里母家溪在永里則亦未嘗非士族也



才志 宋南渡人嘉定十四年華嚴寺落成題名朱元中為之記碑今存

右母氏

權氏 姓苑云葛天氏之裔唐書宰相世系表云武丁裔孫封權為楚所滅其後因以為氏氏族畧云芋姓顓頊之裔望出隴西蓋北族也吾合有權家溝相傳權皆作全無作權者而全氏乃不概見節孝總坊乃有權馮氏不註夫名及里居缺點殊多然固有權氏也今東里四方井洗腳溪等處權氏尤多

右權氏

鄔氏 氏族畧云晉大夫鄔臧之後以邑為氏姓源以為陸終第四子杞言之後有鄔氏未知何据而其望出潁川則北族也宋有撫州鄔執權惠州鄔大昕並登科乃顯於南矣吾合鄔氏無所聞節孝總坊有楊鄔氏不詳何里人今麻柳坪有煤商鄔霽伯不識此楊鄔氏是其族否其字讀平聲字典有平上兩音或讀上聲者非

右鄔氏

峴氏 何承天姓苑云古三危山一作三峴舜竄三苗于三危其後子

合川縣志卷之十

士族下

五

孫因以峴為氏集韻說同通志氏族畧亦載有此姓而不詳其從來蓋不信姓苑說與此姓歷代無聞就合州志有節婦汪應蛟妻峴氏節孝總坊同重慶府志作危新採訪稿作范並誤

右峴氏

金氏 氏族畧云金天氏之後以號為氏伏羲臣有金提堯時有金道華則其姓古矣漢匈奴休屠王子賜姓名金日磾後顯於漢是胡族也項伯後劉氏居浙辟錢鏐嫌名改姓金氏 金履祥族譜 是後改也而金氏乃有三源矣望偁渤海彭城亦兼南北有之茲譜在吾合者

現 清吏員仕至直隸城安縣典史

右金氏一家職官一人

言氏 子游之後其先不知所出望偁汝南則中原族姓也吾合之言亦有可偁者

元達 州人宋淳熙十二年遂寧王祖和邀之遊龍多山因刻石紀遊見金石掌錄

右言氏

祁氏 氏族畧云晉公族祁奚之後以邑為氏一云黃帝後有伊祁其



後以姓爲氏吾合嘉慶初有殉難勇丁祁富距森楷舍下三里有祁家院子里人相傳爲故大姓云

右祁氏

倪氏 本姓鄉氏出小邾子之後以國爲氏後以辟仇改作倪吾合有團勇倪成棟於嘉慶初殉教匪之難

右倪氏

單氏 氏族畧云周大夫單子之後以邑爲氏吾合嘉慶初殉難團丁有單起順光緒初有綢緞商單元亨

右單氏

焦氏 氏族畧云神農之後周武王始封之其後以國爲氏姓源以爲許靈公遷焦因氏恐不可据望出馮翊亦北族也吾合嘉慶殉難團丁有焦文升

右焦氏

尼氏 歷代姓書並不能言此姓所出吾合嘉慶殉難團丁有尼茂川

右尼氏

盛氏 氏族畧云周同姓國穆天子傳所謂盛姬也其國後爲齊所滅因以爲氏漢奭氏亦辟成帝諱改盛氏吾合盛崇意等聚居東里其遺址卽盛泉寺也明張一鯤盛泉寺坊殿記嘗及之

右盛氏

來氏 氏族畧云本作邾商支孫有食采邾者其後以邑爲氏後避難又去邑作來望出平陽蓋盛於北與吾合嘉慶殉難團丁有來鳳儀

右來氏

賴氏 氏族畧云賴子之後以國爲氏吾合嘉慶殉難團丁有賴陞

右賴氏

瞿氏 路史國名紀云古有瞿國其後因以爲氏博古圖商器有瞿父鼎望出高平松陽則南北間也吾合嘉慶殉難團丁有瞿茂盛今東里雙鳳場三滙壩均有此姓

右瞿氏

于氏 氏族畧云本邗氏改周武王後以國爲氏後魏有万紐于氏亦改于氏唐以憲宗嫌名改淳于氏亦爲于氏吾合嘉慶殉難團丁于登連



右于氏

申氏 氏族畧云四岳之後以國為氏春秋申侯申豐申蒯之後以邑為氏吾合嘉慶殉難團丁有申倬興里三佛灘猶有其姓東里牛渡有申家院子蓋其舊居也

右申氏

司氏 氏族畧云鄭司臣之後以名為氏望出乘邱則北族也合州有監生司朝彬其妻魏氏旌表節孝

右司氏

危氏 姓攷云苗竄三危其後以地為氏合州有危英順妻向氏年八十五以節孝著

右危氏

高氏 各姓書不記其姓所出唯云南唐有高彥而已合州有節婦陳周祿妻高氏劉存書妻高氏見有高少卿高良臣西里龍市鎮人

右高氏

桂氏 不知所出漢太守陳球碑以為吳橫之後居幽州者改姓桂氏

合川縣志卷之十

士族下

七

其說雖非本源之論尙屬近古地譜以為古有桂國說殊無稽姓源因謂以國為氏恐不足據望偁天水蓋北族也合州有節婦桂慶鏐妻楊氏

右桂氏

漆氏 氏族畧云長狄之後以姓為氏姓源以為魯大夫食采邑未知何所據也又漆雕氏亦或去雕單為漆氏望出南昌豫章是為南族吾合有黃梅知縣王大經妻漆氏文生漆用康

右漆氏

關氏 氏族畧云夏大夫關龍逢之後其後去龍單姓關氏又關令尹喜喜之後亦為關氏望出隴西東海則北族也吾合有文生關驥字彰甫善書其子達卿頗能詩可為士族而莫能明其統系又非古戶始塢于此

右關氏

胥氏 氏族畧云晉大夫胥臣之後以字為氏吾合王文震娶胥氏見王氏譜俗讀如喜



右胥氏

淳氏 路史姜姓封于州亦稱淳于公其後以國為氏望稱河內或又省于偃淳望稱吳郡實非有二族也吾合在明已有淳氏萬曆四十七年龍歸精舍然燈記後題檀越姓名有淳門鍾氏名早則其來舊矣

德純

德溥 明萬曆末並文生見東山慈恩寺文筆塔記後附巖宮生員通譜

右淳氏一家文生二人

以上都為九十姓凡九十家

有志者曰自孔氏以下九十五姓二百五十三家為士族譜譜皆邦族統系可攷者也即無邦族統系可攷而歷為吾合古戶雖非一家亦得於其姓之名家之後附著之而合為一家焉其邦族統系不明亦無同姓之名家可以附著但其科第仕履尚可攷見確然當在士族之列如稅氏以下六十三姓不必一家而可通目為一家則入士族譜下次於上編若其姓並無士人而有節義方術列女見於本志甚乃本志未嘗載他縣亦罕聞其氏族願往往在吾合人士口耳間如母氏以下二十七家皆希僻之姓為講譜牒學者所不能廢亦為附著於後藉資數典至其他之尋常百姓無士無人無可以自見迺準春秋常事之例省而不書辟瑣也

補遺

燕氏 氏族略云燕本周公族召公奭所封國國亡子孫以國為氏又姑姓亦封燕時人謂之南燕以別于召公之燕其後子孫亦以國為氏則燕有二源矣望稱上谷范陽特以表著北燕之祖于南燕無與然國當讀平聲今姓皆讀去聲乃不得其解矣吾合嘉慶殉難勇丁有燕旭恆此外無問

右燕氏

辜氏 各姓書俱不能言此姓所出氏族略亦但舉宋嘉祐登科有泉州人辜甫為證而已吾合乃有百歲壽民辜成桂為西里金紫沱人見明合州志其妻張氏亦九十歲

右辜氏

賓氏 氏族略以春秋時齊有賓須無周有賓起其先皆以名字為氏



當近得之其望出梁國則北族也吾合東里麻柳坪有壽民賓萬順與其妻某氏並享年八十五歲

### 右賓氏

沙氏 風俗通言晉有沙廣而不詳其所出姓苑亦有沙氏路史謂宋大夫食邑于沙其後以邑爲氏姓考又言百濟八族其一曰沙則有夷姓矣森楷疑其未有確據或古夙沙氏之後以國爲氏後又去夙傳沙當較諸說爲雅言耳其郡望出東海汝南蓋亦北族之有名者吾合則壽民沙金山爲回教徒是西域種與姓書之出東夷者不同今列以備參攷

### 右沙氏

祖氏 氏族略以爲商宗室祖伊之後以字爲氏至晉而顯迄南北朝猶有聞人則非寒族也吾合東里沙灣乃僅有中戶十數家蓋其微矣

### 右祖氏

爾朱氏 契胡部落有爾朱川大人居之其後因以爲氏至魏孝莊世爾朱榮幾篡帝位後乃稍衰吾合爾朱通微其支流餘裔也

### 合川縣志卷之十

土族下

九

### 右爾朱氏

茆氏 姓書無此姓亦無能言其所出者中華大字典言明有茆永慶茆欽不引所據書未知可信否咸同之際川東北間有土匪茆先鋒與藍李相應和不知所終吾合現有茆玉清爲蠶務局佃戶

### 右茆氏

容氏 氏族略云黃帝臣容成之後以名爲氏高辛氏才子仲容之後亦爲容氏望出敦煌固北族也吾合有容石匠嘗爲蠶社作工故識之

### 右容氏

荆氏 氏族略云鬻熊所封國其後以爲氏望出廣陵當爲南族而燕乃有荆軻吾合總役荆明則降在卑隸矣

### 右荆氏

甯氏 氏族略云衛武公子季亶食采于甯其後以邑爲氏世爲衛重臣而周有甯越齊有甯戚晉有甯羸皆不出自衛則甯有四源也而郡望乃偃齊郡豈戚之後特盛與吾合甯氏向不甚著予少時嘗識甯某爲小販今久不相聞或自有而之無矣



右甯氏

侯氏 倉頡姓侯岡氏是侯氏所出見後漢上谷長侯相碑春秋時有侯宣多侯羽侯叔夏侯犯有聞于時未諗是一族否通志氏族略獨取晉侯縉之後以爵為氏一說而以他書所說夏后氏之後封于侯為謬恐亦未有確据後魏改古引氏為侯氏又賜侯伏氏賀屯氏皆為侯氏則侯有虜姓矣吾合泥溪場侯氏頗盛然無文生以上之科名未足預于士族也

右侯氏

樂氏 氏族略云宋戴公子衍之後以字為氏春秋時宋樂氏最顯戰國猶有聲燕趙間後乃稍稍衰矣吾合樂氏環福壽場而居有樂遂生善醫獨無入學為學生者因不得列于士族云

右樂氏

補氏 姓苑有此姓不云所出姓考言古有補國黃帝伐補侯是也其後以國為氏未知信否吾合有文童補益云自遂甯來者他無所聞

右補氏

合川縣志卷之十 士族下

常氏 氏族略云衛康叔支孫有食采于常者其後以邑為氏然黃帝臣有常先老聃師有常從越大夫有常壽過不必皆在衛且或在康叔先是常不止一源也望出平原大抵以北族為盛吾合官渡場有常氏非士族

右常氏

駱氏 氏族略云齊公子駱之後以名為氏北朝地將拔氏亦改駱氏是駱有虜姓矣望出河南又有東陽內黃二族固當以北為盛吾合駱氏不顯惟節婦駱方舉妻見邦媛譜

右駱氏

官氏 姓書無能言此氏所出但云京兆族而已吾合有節婦官永川妻李氏官希堂妻羅氏見邦媛譜

右官氏

辛氏 路史古高辛氏以號為氏氏族略云古有辛氏之後以國為氏其後去草為辛周辛甲辛辛有其著也漢魏唐宋猶顯吾合乃不甚著僅辛義安妻謝氏見列女傳



右辛氏

師氏 氏族略云本師氏以官為氏後辟晉諱而改亦或為率氏望出琅邪殆北族也吾合有埶生帥英奇因不見其譜未列于士族惟帥代容妻張氏及帥容軒女並以貞節著見邦媛譜列女傳

右帥氏

諶氏 姓考鄭大夫稗諶之後以名為氏其字讀如沈本平聲吾合乃讀如甚不知何時轉改舊志有節婦諶安坤妻趙氏及其子孝思妻梁氏世傳一門雙節今有諶篋匠不能自舉其名族之微可知已

右諶氏

青氏 氏族略云黃帝子青陽之後以名為氏後省陽但傳青姓考謂是齊大夫食采青邱者其後以邑為氏久乃省邱傳青疑以前說為得吾合節婦青大有妻程氏見邦媛譜

右青氏

榮氏 氏族略云周榮夷公之後以邑為氏魯有榮氏未知所出姓考以為黃帝時有榮國它亡所見恐難信据望出樂安上谷當然北族吾合東里慶合場有榮氏榮天相妻王氏以節孝著見邦媛譜其裔有榮白圭于民國初留京數年歸里不關世事人皆異之云

右榮氏

印氏 氏族略云鄭公子印之後以名為氏春秋而後罕有聞人吾合節婦印清忠妻羅氏印世清妻劉氏見邦媛譜餘仍無所表見

右印氏

牟氏 氏族略云祝融之後封牟其裔以國為氏兩漢大有名人其郡望鉅鹿蓋北族也吾合之牟以方溪寺為舊志有節婦牟某妻汪今又錄牟定邦妻蔚氏入邦媛譜晚清有牟雲峰充捐輸局士有家故也

右牟氏

